

Акафист всем святым, в земли Русской просиявшим.

Кондак 1

Избрáннии от Бóга святѣи угóдницы, в землѣ Рýсской просиáвшии, и Цѣрковь нáшу я́ко звѣзды свѣтлыя украсѣвши, вѣрою сошѣдшеся днесь, восхваляем пречестнóую пáмять вáшу. Вы же, я́ко имúщии дерзновѣние ко Спáсу, от вся́ких бед нас свободѣте, зовúщих: Рáдуйтеся, святѣи вси, в землѣ Рýсской просиáвшии.

Икос 1

А́нгелов и челове́ков Тво́рче и Царю́, отвѣрзи ны́не грѣшная уста нáша достóйно воспѣти вся святѣя Тво́я, благодáтию Тво́ею в землѣ Рýсской просиáвшия и Тебѣ́, Бóга нáшего, благочѣстием своѣм прослáвившия, да с любóвию зовѣм им таковáя:

Рáдуйтеся, апóстоли Христóви Андре́е, Варфоломѣе и Сѣмоне Кананѣте, до предѣл нáших дошѣдшии и ѣ́стину Евáнгельскую в них возвестѣвшии;

ра́дуйтеся, Феóдоре со ю́ным Иоáнном, первомúченицы Рýсстии, прѣ́жде просвещѣния страны́ нáшея за Христа́ пострада́вшии.

Рáдуйся, О́льго равноапостóльная, тьму язýчества свѣтом Христóвым озарѣ́вшая;

ра́дуйся, равноапостольный Владѣ́мире, землѣ́ Рýсския слáвный крестѣ́телю.

Рáдуйся, Михаѣ́ле, Цѣ́ркве Рýсския первосвятѣ́телю и правослáвнаго благочѣ́стия и чѣ́на в землѣ́ нáшей насадѣ́телю;

ра́дуйся, Илариóне премúдрый, о Зако́не и Благодáти Сло́ва дѣ́внаго списáтелю.

Рáдуйтеся, Бори́се и Глѣ́бе, страсотѣ́рпцы святѣ́и, в жѣ́ртву чѣ́сту себѣ́ Бóгови принѣ́сшии;

ра́дуйтеся, святѣ́и кня́зи Яропóлче и Ё́горю, кровью́ своѣ́ми зѣ́млю Рýсскую оросѣ́вшии.

Рáдуйтеся, святѣ́и вси, в землѣ́ Рýсской просиáвшии.

Кондак 2

Вѣ́дев Госпо́дь скóрби и утеснѣ́ния мáлаго словѣснаго ста́да Своего́, в землѣ́ нáшей от ѣ́дольскаго злочѣ́стия озлобля́ема, крѣ́пкую по́мощь Свою́ дарова́, да посрамѣ́вше прельщѣ́ние вра́жие, лю́дие Егó в вѣ́ре Христóвой утвердѣ́тся и непреста́нно пою́т Емý: Аллилу́иа.

Икос 2

Ра́зум разу́мных вѣ́ка сегó отверга́я и объюро́девшую премúдрость премúдрых погубля́я, прия́л еси́, Гóсподи, я́коже пло́д кра́сный от но́ваго

вертограда Твоего, земли наша, вся святых, в ней просиявших; ихже делание ныне восхваляюще, ублажаем их тако:

Радуйся, Леонтие священномучениче, страны Ростовския просветителю;

радуйтесь, Исаие, Игнатие, Феодоре и Иакове, града Ростова святителие.

Радуйся, Кукшо, земли вятичей благовестниче и священномучениче; радуйтесь, Никито и Иоанне, и прочие святителие Новаграда Великаго, в дому Премудрости Божия просиявшии.

Радуйся, Кирилле, святителю Туровский, слова Божия изрядный проповедниче;

радуйся, Евфросиние, граду Полоцку радование и девам сияние.

Радуйтеся, Ефреме преподобне, Новоторжский просветителю, со святыми Моисеем и Георгием, братьями своими;

радуйтесь, светильницы Вяземстии, Аркадие дивный со Иулианиею преславною.

Радуйтеся, святии вси, в земли Русской просиявшии.

Кондак 3

Сила Божия, в немощех человеческих совершающаяся, укрепляше вас, святии угодницы, в земли нашей Богу многообразне послужившии, Емуже купно с вами выну поем: Аллилуиа.

Икос 3

Имуще одежащ нас толк облак свидетелей, все множество святых в земли нашей просиявших, торжествуем радостно и духовно веселимся, приносяще им хвалёбное сие пение:

Радуйся, Симоне, Владимирския и Суздальския земли святителю и храмов Божиих усердный зиждителю;

радуйтесь, Феодоре, Иоанне и Дионисие, святителие Суздальстии и чудотворцы.

Радуйтеся, преподобнии Евфимие и Евфросиние, Суздаля звёзды пресветлыя;

радуйся, Муромския страны просветителю Константине, со чады твоими Михайлом и Феодором.

Радуйтеся, Петре и Февроние, Муромстии чудотворцы, со Иулианиею праведною и милостивою;

радуйся, Василие святителю, в Муроме поношение ложное приёмый и в Рязань престественно приплывый.

Радуйтеся, Никито Столпниче и Данииле, мёртвых погребателю, Переяславля Залесскаго украшение;

ра́дуйся, Богому́дре княже Андре́е Боголю́бский, суету́ ми́ра сего́ презре́вый и яви́вый предивное смире́ние.

Ра́дуйтесь, свя́тии вси, в землі Ру́сской просия́вшии.

Кондак 4

Бу́ря нече́стия идолюбóжнаго, а́ще и восстава́ше в землі на́шей на Цёрковь Христо́ву правосла́вную, о́баче пото́пити ю́ не возмо́же: доселе́ бо стои́т в чи́не своём, побéдно пою́щи Бо́гу: Аллилу́иа.

Икос 4

Слы́шаша свя́тии сладча́йший глас Христо́в, ко спасе́нию призыва́ющий, и Того́ и́го благо́е чрез все жити́е своё понёсше, ны́не поко́й безболéзненный и вéчный в ра́йских оби́телях обрето́ша. Сего́ ра́ди слы́шат от нас такова́я:

Ра́дуйтесь, Анто́ние и Феодо́сие преподо́бнии, свя́тыя Ла́вры Киево-Пе́черския устройтели́е и жити́я и́ноческаго в землі на́шей основáтели́е; ра́дуйтесь, Али́пие, нача́льниче иконопи́сцев ру́сских, и Ага́пите, врачú безме́здный.

Ра́дуйтесь, Не́сторе, достопа́мятных дея́ний списáтелю, и Иоáнне многострада́льный, со всем ли́ком преподо́бных Пече́рских, от Го́спода просла́вленных;

ра́дуйся, Йо́ве, Ла́вры Поча́евския украше́ние, со все́ми уго́дники и чудотво́рцы Во́лыньскими.

Ра́дуйтесь, Анто́ние, Иоáнне и Евста́фие, Литóвстии му́ченицы, огню́ служи́ти отвéргшиися и стра́даныи свои́ми мно́гия лю́ди ко Христу́ привéдшии;

ра́дуйся, Иси́доре пресви́тере, со всем собо́ром му́ченик в Ю́рьеве гра́де Ливо́нстем, от лати́н за ве́ру правосла́вную пострада́вших.

Ра́дуйся, Афанáсие, игúмене Брэ́стский, преподо́бному́чениче предивный;

ра́дуйся, му́чениче младе́нче Гаври́иле, во стра́даниях лю́тых просия́вый.

Ра́дуйтесь, свя́тии вси, в землі Ру́сской просия́вшии.

Кондак 5

Боготéчныя звёзды, зéмлю на́шу благода́тию озаря́ющия, восхваля́ем уго́дники Бо́жия: о́вии бо во свя́тительстве, друзи́и же во и́ночестве, инии́ во ю́родстве Христо́а ра́ди подвизáхуся; вси же преподо́бием и пра́вдою Бо́гу послужи́ша, Емúже согла́сно поём: Аллилу́иа.

Икос 5

Видевше просиявших в земли Русской святых Божиих неослабное терпение в веце сем и на Небесех славу неизреченную, сами себе и друг друга к подражанию тем поощрять потщимся, зовуще им:

Радуйся, Сέργие, Радонежский чудотворче, обители Святыя Троицы основателю, иноков начальниче и за всю землю нашу теплый молитвенниче;

радуйтесь, Сέργие и Германе Валаамстии и Арсение Коневский, монахов наставницы и иноверных просветителие.

Радуйся, Антоние Римлянине, от отечества твоего, в Новград Великий на камени преплывый и тамо образ иноческаго жития явивый;

радуйся, Варлааме, Хутынский чудотворче, Новаграда похвало и всея страны нашей светильниче.

Радуйтесь, Зосимо, Савватие и Германе, звезды иночества пресветлыя, со всеми преподобными Соловецкими;

радуйся, Александре Свирский, Святыя Троицы таинниче преславный.

Радуйся, преподобне отче Кирилле, яко крин процветый в пустыни; радуйся, и вся Фиваида русская: пустыни и дёбри Олонецкия, Белоезерския и Вологодския, святое и славное преподобных отцев множество возрастившия.

Радуйтесь, святии вси, в земли Русской просиявшии.

Кондак 6

Проповедницы веры Христовы и благочестия христианскаго бысте, святии, на земли; темже ныне на небесех с веселием предстояще Христу, немолчно поете Ему: Аллилуиа.

Икос 6

Воссияли есте нам, святии, многообразными дары обильно украшени, имже венча вас Подвигоположник Христос. Прибегаяще бо к вам не все труждаемся, Божию благодать и милость надеющиеся улучшить молитвами вашими. Сего ради вопием вам:

Радуйтесь, честнии страдальцы Черниговстии Михайле и Феодоре, велению мучителю не повинувшиися и Единому Богу точно поклонявшиися;

радуйтесь, Александре Невский и Андрее Боголюбский, Георгие же и Глебе, Владимирстии чудотворцы, веры ревнителие и защитницы.

Радуйся, мучениче Авраамие, во граде Болгаре за Христа пострадавый и град Владимир украсивый;

ра́дуйся, Дани́ле, гра́да Москв́ы покрови́телю, роди́тельскаго благосло́вения наслéднице.

Ра́дуйтеся, Арсе́ние, святи́телю Тверскíй, благове́рнии кня́же Миха́иле и княги́не А́нно Ка́шинская, моли́твенницы на́ши;

ра́дуйтеся, преподо́бне Авраа́мие и му́чениче Мерку́рие, Смолéнстии чудотво́рцы.

Ра́дуйтеся, Па́исие и Касси́ане, гра́ду У́гличу засту́пницы преми́лостивии;

ра́дуйся, преподо́бне Иринáрше, в затво́ре и вери́гах Го́сподеви благоугоди́вый.

Ра́дуйтеся, святи́и вси, в земл́и Ру́сской просия́вшии.

Кондак 7

Хотя́ще спасéние вéчное улучи́ти, святи́и ско́рбным и тéсным путём Христу́ послéдоваша и Ему́ еди́ному угожда́ти потща́шася, и ны́не, лицём к лицу́ Того́ во сла́ве зря́ще, воспева́ют Ему́: Аллилу́иа.

Икос 7

Но́вая свети́ла, правосла́вную Це́рковь украша́ющая, зрим вся святи́я земл́и на́шея, и в ве́ре на́шей утвержда́емся, о спасéнии бо на́шем пред Бо́гом ходата́йствуют; те́мже вопие́м им:

Ра́дуйся, Пе́тре, вели́кий святи́телю, первопресто́льниче Моско́вский;

ра́дуйся, Алексе́е святи́телю, свобожде́ния земл́и Ру́сския те́плый ходата́ю и лю́дем Бо́жиим цели́телю предивный.

Ра́дуйся, Ио́но, па́сты твоёя на́ста́вниче и предста́телю;

ра́дуйся, Фили́ппе, ца́ря не́истовства облича́вый и сегó ра́ди лю́те убиéнный.

Ра́дуйся, священномучени́че Ермоге́не, прославлéнию Каза́нския ико́ны Богома́тере послуживый и за ве́ру правосла́вную ду́шу свою́ положи́вый;

ра́дуйся, пресла́вный Тихоне, патриáрше и испове́дниче, в годину́ лю́тую за Це́рковь подви́завыйся.

Ра́дуйтеся, Васи́лие, Иоáнне и Макси́ме, Моско́встии чудотво́рцы, блаже́ннии ю́роди Христа́ ра́ди, подви́жницы нелóжнии и моли́твенницы те́плии;

ра́дуйтеся, пра́ведне Алексе́е, до́брый па́стырю, и Матро́но блаже́нная, скорбя́щим утешéние.

Ра́дуйтеся, святи́и вси, в земл́и Ру́сской просия́вшии.

Кондак 8

Странно ёсть неверным видети, како сила Божия в нёмощи совершается; мы же, истинную Христову веру твердо содержаще, славе святых наших возрадуемся и Господу, прославляющему их, непрестанно и усердно воспойм: Аллилуиа.

Икос 8

Вся отложше попечения житейская и самех себе отвергшися, неуклонно Христу последовасте, присноблаженнии; не может язык изобразити и воспети достойно веру вашу и любовь, труды и болезни, терпение и злострадания, имиже в радость Господа своего внидоште. Сего ради восхваляем вас сиче:

Радуитесь, Никоне Радонежский, преподобнаго Сергия преёмниче, и Михее смиренный, и Савво Звенигородский, и Стефане Махрицкий, и прочие ученицы Сергиевы, многих обителей иноческих устроители;

радуитесь, Макарие Калязинский и соименный ему Унженский, в подвизах Богу угодивши.

Радуйся, Ниле Столбенский, в молитвах и трудах неусыпно подвизавыйся;

радуйся, дивный Ниле, скудость скитскую возлюбивый и пустыню Сорскую слезами напоивый.

Радуйся, Иосифе, отче Волоцкий, монастырскаго чина ревнителю; радуитесь, Пафнутие Боровский, падших исправителю, с Тихоном, Калужским чудотворцем, внутри дуба обитавшим.

Радуйся и ты, Серафиме преподобне, радости наша, подвижниче Саровский пречудный;

радуитесь, Льве, Макарие, Амвросие, Варсонофие и вси старцы Оптинстии, людем Божиим духоноснии наставницы.

Радуитесь, святии вси, в земли Русской просиявшии.

Кондак 9

Всяк подвиг и всяку добродетель исправисте, святии, образ христианскаго благочестия людем в себе показавше, яко да видяще ваша добрая дела, прославят Отца нашего, Иже на Небесех, поюще Ему: Аллилуиа.

Икос 9

Ветий художество превозшедше, святии благодатную силу веры Христовы житием и подвиги своими всему миру явивша, благодатию Божиею неустанно невидимаго врага попирающе. Сего ради зовём:

Радуйся, Стефане святителю, Пермския страны апостоле славный;

ра́дуйтесь, то́го пре́емницы Ге́расиме и Пити́риме священно́мученицы и Ио́но, Усть-Вѣмстии чудотворцы.

Ра́дуйся, Три́фоне преподо́бне, страну́ Вя́тскую от злове́рия идо́льского ко Христу́ приведи́й;

ра́дуйся, Три́фоне, Пече́нгский чудотворче, оби́тели твоея́ похвало́, во тьму язы́ческую стран полу́нощных свет ве́ры Христо́вы принеси́й.

Ра́дуйтесь, Гу́рие, Варсоно́фии и Ге́рмане, гра́да Каза́ни и всех окрестных стран свети́ла пресвѣтлая;

ра́дуйтесь, язы́ков просвети́телие, Иннокенти́е чу́дный и Софро́ние премудры́й, Ирку́тстии святи́телие, со Ио́анном Тобо́льским, добро́тами ва́шими вся Сиби́рския страны́ озари́вшии.

Ра́дуйтесь, Иннокенти́е, святителю́ Моско́вский и Ге́рмане преподо́бне, равноапосто́льное служе́ние во Аме́рице соверша́вшии;

ра́дуйся, святителю́ Нико́лае, Це́ркве Правосла́вныя во стране́ Япо́нстей дивны́й насади́телю.

Ра́дуйтесь, свя́тии вси, в земли́ Ру́сской просия́вшии.

Кондак 10

Спасти́ хотя́ лю́ди земли́ на́шея, дарова́л еси́ им, Го́споди, вся святы́я в ней просия́вшия, я́ко о́бразы жити́я спаси́тельного, и ходатаи, и помо́щники, да благода́ряще Тебе́ вопи́ют: Аллилу́иа.

Икос 10

Стена́ естé и заступле́ние всем, с ве́рою к вам прибега́ющим, свя́тии. Вам бо даде́ся благода́ть всем тре́бующим поле́зная дарова́ти: недужным исцеле́ние, скорбя́щим утеше́ние, в напа́стех су́щим избавле́ние, да воспо́им вам такова́я:

Ра́дуйтесь, Всеволоде́ кро́ткий и Довмо́нте кре́пкий, гра́ду Пско́ву стéны необори́мыя;

ра́дуйтесь, Никáндре пустынножи́телю и Евфроси́не преподо́бне, во стране́ Пско́встей подвиза́вшиися.

Ра́дуйся, Прокóпие блаже́нне, град твой Устю́г от каменомётныя тучи́ изба́вивый;

ра́дуйся, Симео́не пра́ведный, Верхоту́рский моли́твенниче и всей земли́ Ура́льстей утвержде́ние.

Ра́дуйтесь, блаже́ннии ю́роди Христа́ ра́ди, Нико́лае и Феодо́ре Новогра́дстии и Иси́доре Росто́вский, неправды́ обличи́телие и премудро́сти ве́ка сегó посра́мителие;

ра́дуйся, Ксе́ние мужеу́мная, гра́ду Свята́го Петра́ заступни́це кре́пкая.

Ра́дуйся, предивный Ио́анне, Кроншта́дтский моли́твенниче и чудотво́рче;

ра́дуйся, блаже́нный Па́вле Таганро́гский, ми́лостивый во узах су́щим утёшителю.

Ра́дуйтесь, святы́и вси, в землі Ру́сской просия́вшии.

Кондак 11

Пе́ние сиё хвале́бное и благодарственное при́имите от нас, уго́дницы Бо́жии: к вам бо прибега́юще, на предста́тельство и по́мощь ва́шу упова́ем, Бо́гу же вопи́ем: Аллилу́иа.

Икос 11

Светоза́рныя лучи́ по́двиг ва́ших многообра́зных вся́ку ду́шу христиа́нскую освети́вше, ко умиле́нию и ре́вности о спасе́нии побужда́ют, вам же пе́ти подвиза́ют тако́вая:

Ра́дуйся, Митрофа́не, Воро́нежская похвало́, святите́лю препро́стый и душ водите́лю ко Христу́ премудры́й;

ра́дуйся, Тихоне, Задонский чудотво́рче, медоточи́вая уста́, Христо́ва Ева́нгелия веща́телю сладча́йший.

Ра́дуйся, Феодо́сие, святите́лю Черни́говский, свети́льниче преизря́дный;

ра́дуйся, Росси́йский Злато́усте, Росто́вский святите́лю Димитрие́, жития́ святы́х собра́вый и в назидание́ всем написа́вый;

Ра́дуйся, Иоаса́фе, моли́твенниче Белогра́дский и благоче́стия ревни́телю вели́кий;

ра́дуйся, Питири́ме, страны́ Тамбо́вския архиере́ю и ходата́ю пред Бо́гом неле́ностный.

Ра́дуйся, Игна́тие премудре́, цевни́це духо́вная, де́лания у́мнаго ревни́телю;

ра́дуйся, Феофа́не, затво́рниче Вы́шенский, оте́ческих писа́ний прелага́телю.

Ра́дуйтесь, святы́и вси, в землі Ру́сской просия́вшии.

Кондак 12

Благода́ть у Го́спода испроси́те нам, святы́и уго́дницы Бо́жии, да си́лою и де́йствием Свята́го Ду́ха огражда́еми, избе́гнем па́губы, ересей и раско́ла, правосла́вно пою́ще всегда́: Аллилу́иа.

Икос 12

Пою́ще вели́кий и пресве́тлый полк ваш, вси святы́и в землі на́шей просия́вшии, благода́рне велича́ем просла́вльшаго вас Го́спода, Его́же ми́лость и проще́ние нам грешным испроси́те, да усер́дно вопи́ем вам:

Ра́дуйся, священномучениче Кли́менте, епи́скопе Ри́мский, по́двиг твой во странé на́шей сконча́вый;

ра́дуйся, священномученицы седмочи́сленнии, кровью́ ва́шими в Херсо́нисе Таври́честем Це́рковь Христо́ву утверди́вшии.

Ра́дуйся, преподо́бне о́тче Паисие, в Горé Святе́й и преде́лах Молда́вских подви́завыйся и Добротолю́бие священное на язы́к словéнский преложи́вый;

ра́дуйся, предивне Силу́ане, Афóну удобре́ние и Росси́и похвало́ и заступле́ние.

Ра́дуйся, Иоа́нне Шанха́йский и Сан-Франци́сский чудотво́рче, образу́е непреста́нныя моли́твы и милосе́рдия;

ра́дуйся, святы́и земли́ на́шей, во благове́стии Христо́ве потруди́вшиися и Це́рковь Правосла́вную в Сиби́ри, Аме́рице, Кита́и и Япо́нии насади́вшии.

Ра́дуйтесь, Влади́мире Кие́вский, Вениа́мине Петрогра́дский, Пётре Крути́цкий и Кири́лле Каза́нский, священномученицы но́вии, в годи́ну гонéний пострада́вшии и кро́вию своёю Це́рковь Ру́сскую утверди́вшии;

ра́дуйтесь, святы́и ца́рственнии страстоте́рпцы и вси новомученицы Це́ркве Ру́сския, за Христа́ ду́ши положи́вшии.

Ра́дуйтесь, святы́и вси, в земли́ Ру́сской просия́вшии.

Кондак 13

О́, уго́дницы Бо́жии святы́и, в земли́ Ру́сской просия́вшии! Всечестну́ю па́мять ва́шу ны́не почита́юще, к ва́шему моли́твенному предста́тельству и заступле́нию прибега́ем, да ва́шими моли́твами избáвимся в сем ве́це от паде́ний грехо́вных, от наве́та злых челове́к и от внеза́пныя сме́рти, и в бу́дущем сподо́бимся спасéние уллучи́ти, и ве́чных благ наслажде́ние, кúпно с ва́ми а́нгельски пою́ще Бо́гу: Аллилу́иа.

Молитва из Минеи. Автор: свт. Афанасий Ковровский.